

نقود و وقایع

۴۵۵۱

نومبر ۴۵۵۱

روزنامه کثیرالعدد کابل

نسخه سی یوز پاره در

جمعه دن ماعدا هر کون نشر اولنور

۲۹ اگستوس ۱۳۳۸

صالی

۵ محرم ۱۳۴۱

مجلس عمومینک اجتماعنده قانونیتی تکلیف ایدمک اوزره اشبو قرارنامه نك موقع مرعیته وضعی اراده ایلدم .

۲ محرم ۱۳۴۱ ۲۶ اگستوس ۱۳۳۸
داخلیه ناظری و نافع ناظر و کیلی خارجیه ناظری شیخ الاسلام صدراعظم
علی رضا احمد عزت نوری توفیق
شورای دولت رئیس و مالیه ناظر و کیلی حریبه ناظری بحریه ناظری
توفیق ضیاءالدین صالح خلوصی
اوقاف هایون ناظری معارف ناظری تجارت و زراعت ناظری عدلیه ناظری
راشد سعید صفا مصطفی نوری

مربوطی جدول

لیرا	
۳۵۰	رسومات
۲۶۵۰	داخلیه
۵۳۰	معارف
۲۱۰۰	زاندارمه
۹۰	عدلیه
۵۷۲۰	

تقریر و تبلیغات

شورای دولت مالیه و نافع دائره سنك ۳۵۵ نومرولی

مضبطه سی

[۴۵۵۰ نومرولو نسخه دن مابعد و ختم]

اولان معاملاتك امر واقع اولدیغی ده ینه شورای دولتجه متخذه مقررات جمله سندن بولمقله برابر مومی الهك سالف الذ کرم مدت تفتیشاته عائد اوله ورق تسویه سی مقتضی کورنمش اولان خرج راه و سیاحت یومیه سی ده مذکور قرار تفسیرینک اتخاذدن اول اصولی دائره سنده تأدیبه قلمسیله مسئله امر واقع حالتی آلمش بولندیغندن قرار مزبوره استناداً کندیسنه اقامت یومیه سی فرقی اولمق اوزره آچه اعطاسی ایجاب ایتیه چکی اکثریتله تذکر قلمدیغندن بحث ایله اعطاس امر لرینک تجارت و زراعت نظارتنه اعاده قلمدیغنی کورنمشدر .

ایجابی تأمل اولندی بوایشه تأدیقه اولتان دوسیه محتویاتنه نظر اولجه مومی الیه امین بك طرفندن باهر فحال وقوع بولان مراجعت و اولبابده دیوان محاسبات ریاستیله جریان ایدن مخبره اوزرینه دائره جه تنظیم و هیئت عمومی دن ذیلاً تقدیم قلنان ۴ تشرین اول ۱۳۳۷ تاریخی مضبطله ده ۱۵ مایس ۱۳۳۵ تاریخی خرج راه قرارنامه سنك یدنجی ماده لرنده کی

تقریرات

محمد وحید الدین

منحل اولان بکقوز قضاسی قاضیلکنه قرق کلیسا قاضی سابق محمد راسخ افندی تعیین اولمشدر .

بو اراده سنیه نك اجراسنه مشیخت مأموردر .

۲ محرم ۱۳۴۱ ۲۶ اگستوس ۱۳۳۸

شیخ الاسلام نوری

*

محمد وحید الدین

منحل اولان کرماستی قضاسی قاضیلکنه ازینه قضاسی قاضی اسبقی عبده زهدی افندی تعیین اولمشدر .

بو اراده سنیه نك اجراسنه مشیخت مأموردر .

۲ محرم ۱۳۴۱ ۲۶ اگستوس ۱۳۳۸

شیخ الاسلام نوری

قوانین و نظایات

ولایات مشغوله مأمور لرینک ۱۳۳۳ و ۱۳۳۴ سنه لرینه عائد معاشرلندن

غیر از مأخوذ بقیه استحقاق لرینک تسویه سی ایچون ۱۳۳۸

دوائر مختلفه بودجه لرینه ۵,۷۲۰ لیرا تخصیصات فوق العاده

علاوه سی حقنده قرارنامه

محمد وحید الدین

ماده : ۱ ولایات مشغوله مأمور لرینک بیک اوچ یوزاوتوز اوچ و او توز درت سنه لرینه عائد معاشرلندن غیر از مأخوذ بقیه استحقاق لرینک تسویه سی ایچون مربوط جدولده محرر دوائر ک بیک اوچ یوزاوتوز سکز سنه سی بودجه لرنده بر فصل مخصوص کشادیه بش بیک یدی یوزیکرمی لیرا تخصیصات فوق العاده وضع ایدمشدر .

ماده : ۲ اشبو قرارنامه تاریخ نشرندن معتبردر .

ماده : ۳ اشبو قرارنامه نك اجرای احکامنه هیئت و کلام مأموردر .

صراحتاً نظر آن مرکز را کوندربان مقرر کرده اقامت یومیه سنک اعطاسی قانونک احکام عمومی می مؤمن بولندینی ۱۰۰ تشرین نانی ۱۳۳۵ تاریخلی معدل قرارنامه نك برنجی ماده سنک ایکنجی بندینک صوك فقره سننده قضا ولوا ولایت مرکز لرنیک تعدادی حصری مستلزم اولیوب حکمک نواخی مرکز لرنیده شامل اولدینی محرر بولندینی جهت مومی الیه امین بک ایله امتالی حنقده اووجهله معامله ایفاسی لزومی کوسترلمشدر مومی الیه امین بک طرفدن اولجه مقدم عمر فحائلده سیاحت یومیه سی اعطاسی حنقده کی مطالعه یه و بوباید کی اختلافه قارشی آنجق معیشتجه وقوع بولان مضایقه یه بناء فرقی آتیا طلب اولنق شرطیله واضطراری اولهرق سیاحت یومیه سی اخذ ایلمش اولدینی در میان وادعا ایلمش و اختلاف ده بوندن عبارت بولنش اولدیندن مذکور قرار انشای تدقیقاتده بوجهت نظر دفته آنهرق اتخاذ ایلمش اولمغه برابر قرار مذکور مومی الیهک یومیه لری حنقده خر جراه قرارنامه سنک صورت تطبیقندن متولد اولهرق جریان ایتدیریلن یا ککش معامله نك علی الاطلاق تصحیحی یولنده و مراجعت واقعه یه مستنداً اتخاذ اولنش اولوب بونک مستدعی حنقده امرواقه تشکیل ایده مامسی بدیهی بولنش اولدیندن بوجه محرر اجرا ایتدیکی تفتیشادن دولای مستحق اولدینی اقامت یومیه سی فرقلرنیک قرار سابق وجهله کنندیسنه تسویه سی اقتضا ایدر اكا كوره دیوان محاسبات ریاسته تبلیغات ایفاسی تذکر قلندی اولباید امر و فرمان حضرت من له الامر کدر .

۱۱ رمضان ۱۳۴۰ ۹ مایس ۱۳۳۸

هیئت عمومی دن ذیلاً یازیلان مضیبه

مالیه و نافعده دائره سنک اشبو مضیبه سی هیئت عمومی ده قرائت اولندی .

اقتضاسی لدی التأمل دائره مشارالیه اجه متخذ قرار مصیب کورلدیکندن اكا كوره ایفای مقتضاسنک دیوان محاسبات ریاسته تبلیغی تذکر قلندی اولباید امر و فرمان حضرت من له الامر کدر .

۱۳ ذی القعدة ۱۳۴۰ ۹ تموز ۱۳۳۸

دیوان محاسبات ریاست بهیه سنه یازیلان تذکره سامیه

اوج یوز اوتوز آلتی سنه سننده بلغراد اورمانلرنده اجرا ایلدیکی تفتیشات و تحقیقات ایچون تسویه ایلمسی لازم کنن خرج راهک اقامت یومیه سی اولهرق اعطاسی ایجاب ایدر ایکن دیوان محاسباتجه سیاحت یومیه سی اولهرق تأدیبه سننده اصرار اولدینغه دائر اورمان مفتش عمومیلرندن امین بک طرفدن اعطا اولنوب شورای دولته حواله اولنان عرضحال اوزرنیه مومی الیهک اجرا ایتدیکی تفتیشادن دولای مستحق اولدینی اقامت یومیه سی فرقلرنیک بو بایده مقدماً اتخاذ اولنان قرار وجهله تسویه سی اقتضا ایده جکنی متضمن مالیه و نافعده دائره سنندن تنظیم هیئت عمومی دن تذیل قلنان مضیبه لرنک صورتی مطویاً صوب والایرنه تسیار اولمغه اكا كوره ایفای مقتضاسنه همت .

۱۶ ذی القعدة ۱۳۴۰ ۱۲ تموز ۱۳۳۸

بولندینی عمومی

جمعیت عمومی بلدیة

اون سکنزنجی اجتماع

۳۱ کانون نانی ۱۳۳۸

صالی

بدأ مذاکرات

دقیقه ساعت ۴۰ ۲

شهرامینی جلال بک افندینک تحت ریاستلرنده

[۴۵:۹ نومرولو نسخه دن مابعد]

آز معاش آلان و جنازله لرنک آراسنه کوره رک بویوزدن سنوی برقاچ شهید ورن شو فقرا صنفندن سوکرا دینلیبورکه دیگر اداره مأمورلری ایکیشر بیک غروش معاش آلدینی حالده بونلرنک حل وقوعنده تصرف ایلمسی لازمدر دیمک اولیورکه تجیرخانه اداره مأموری هم اداره مأموری ، هم محاسب هم دبوی مأموری وظیفه سی کوره چک هم ده حل وقوعنده معاشی تزییل ایدیه جکدر . حالبوکه تجیرخانه مأمورلرنیک اکثریسی متفان کیمسه لردر . نقصان قادرو ایله یاییله بیلن شی قولرا اولمادینی زمان ۳۰۰۰ تجیراته مقابل ۲۵۰۰۰۰ تجیرات و بونستنده تطهیراتدر . برده موضوع بحث ایلمسی لازم اولان ما کنینستلرنک معاشی در . بونلرنک معاشی (۲۰) لبرادر . بوکون بشیوز غروشه متفان برما کنینست استخدام ایدیه مز . بودجه نك تجیرخانه قسمی یکان یکان تدقیق ایده رک وجدان عالیلری نه تلفیق ایدر سه اون یاییکزر . بنده کز معاشاته ضم اولونسون تنقیح و تنقیص اولونسون دیمه یورم . یالکنز کوریلن خدمتک درجه سی ۳۰۹ سنه سنندنبوی وقوع حالی ، بوباید حکومتک و بلدیة نك اختیار ایش اولدینی شینلری عرض ایدیورم . سز بونلری نظر اعتباره آلاق اتخاذ قرار ایدر سکنز . معروضاتم بوندن عبارتدر .

توفیق پاشا — بوکجی خصوصات امانته عأددر . ضمی ، تنقیصاتی ، تشکیلاتی امانت یابار نتیجه بورایه کلور . شیمدی بوراده کی مناقشات فضلدر . ویرلمه دکدن سوکرا معاش تخصیص ایتک نه یه یارار .

ابراهیم خلیل بک — تجیرخانه مدیری بک مطالعه لرنی غایت مصیب کوردم . کچن کون بودجه نك امور حقوقیه ضمی مذاکره اولونیوردی . امور حقوقیه مدیرینه موجود دعوالردن نه قدرینک امانت لهنه حل اولوندینی صورتده سؤاله موافق بر جواب آلامادم . فقط تجیرخانه ل مدیری ده دار برقادرو اولاماز . چونکه بوتون معاملاتم طوریبور دیور بزه بر ایستانتستیق وریور . بز بونک ناطق اولدینی حقیقتلر قارشوسنده طبیعیدرکه حق تسلیم ایتک مجبوریتنده یز . بناء علیه انجمن بوماده نی تدقیق ایتیلدر .

نیقولای افندی — بنده کزجه تجیرخانه مدیرینک اول امرده مرجعی بولنان امانته آ کلاشمسی لازم کلور . حالبوکه او امانته آ کلاشمامش . کندی فکری خلافته اولهرق امانتک بزه ویرمش اولدینی بودجه ده یالکنز بوراده کی ایضاحات ایله مجلس تزیید ویا تنقیص عملیه سی یاباماز . تجیرخانه مدیرینک بیاناتی بنده کزه فالورسه اولجه مقام امانتجه استماع اولنیلدر . اوندن سوکرا اکر مناسبه بورایه کلور بومجلس بونک ایجابی او زمان دوشونور .

رئیس — او حالده بوکا قرار ویرلمه جکمی ؟
مراد بک — بنده کزرجا ایدیورم کرک تجیرات و تطهیرات شعبه سی وکرک امور بیطریه ماده لرنی جمع ایتدی کونه تعلیق ایده لم . چونکه بک افندی بوباید بزی تحریراً تنویر ایده جکدر مش . بودجه انجمنی حنقک تظاهری ایچون بو تحریری مطالعه نامه نی تدقیق ایتسون اوندن سوکرا مذاکره مزه دوام ایدرز .

نیقولای افندی — دیگر فصله کچم .
مراد بک — دیگر فصللرنک تدقیقاتی اكمال ایدلمه مشدر . اوراق وارده وار اونلری اوقویه لم .

توفیق پاشا — بنده کزجه شعباتک بودجه انجمنه مراجعتی دوغری دکلدر . بونلرنک امانته مراجعتلری لازمدر . امانته آ کلاشلیبر ، امانت شعبه لرنک نقطه نظرینی قبول ایتدن سوکرا مسئله انجمنه کلور . بناء علیه امانتک قبول ایتدیکی بودجه انجمنده تدقیق ایدلمشدر . او حالده بز مذاکره مزه دوام ایدره یلورز . شهرامینی بک افندی تجیرخانه مدیرینک فیکر لرنی مصیب کوریورلر او حالده مذاکره نك تأخیرینه محل یوقدر .

نیقولای افندی — هیئت تحریریه قسمی بیتمشدر . اون یابالم چیقارالم .
مراد بک — هیئت تحریریه قسمی بیتمش ایسه ده بونک اسباب موجه لایحه سی تامایله احضار ایدلمه مشدر . برده صیرایی بوزارسه ق نشوشی موجب اولور . بونلری کله جک اجتماعده مذاکره ایدرز . [بک اعلا سسلری]

رئیس — او حالده اوراق وارده اوقونه جق .

[صدیق افندی ایله حلمی وادهم بک تهریری بوجه زبر اوقوندی :]
« فاتح دائره سنک وسعت حدود و کثرت نفوسیه برابر معاملات بلدیة سنک اونسبتده کثیر ودرسعادت بلدیة قانوننده معین و مندرج اوج دائره نی احتوا ایلمسنه بناء بوجهت لری نظر دفته آلان ملغا جمعیت عمومی بلدیة هیئت محترمه سی تشکیلات اخیره قاتونی موجبنجه دوارک طقوز شعبه اداریه ایفاسی صبره سننده اسباب مسروده دن طولای دائره مذکوریه برنجی صنف عد و اعتبار ایده رک معاملاتنی بوجهله تنسیق و تثبیت لازم کنن مأمورینی تعیین و توشیق ایده رک محیط مذکورده معاملات عمومی سنک بصورتله تمشیت و تدویریه یوماً فیوماً آثار عمران و ترقیه سوق و آثار فعلیه سنه انتظار ایلمکده اولدینی حالده هیچ برسبب قاتونی و بودجه ده تصرف خصوصنی یاری اولمقسزین کچن سنه هر نصلسه انجمن امانت جلیله جه ایکنجی صنفه ایتدیرلش و بوسننه برنجی صنفه تحویلی حنقده کی تکلیف عالی امانتنامه ده هیئت محترمه لرنجه قرین قبول اولیهرق کافی السابق ایکنجی صنفده ایفا ایدلمشدر .

معلوم سامیلری بیوردلینی اوزره شهرک تزیین و عمرانی کیفیاتی وارداتک کثرتندن زیاده مأمورین عأده سنک کوستره جکبری آثار انتظام و اقتدار ووقوف ایله وظیفه لرنینه حصر وجود ایلرلیله قابل بوده مافوقلری طرفندن تقدیر و تشجیح ایله قائم اولوب هیچ بر زمان دائره وارداتنک فضله و نقصان ایله مقایسه و بو صورته تعیین موقعلریله حصول پذیر اولمه جغه و چونکه تشویق و ترغیب و تقدیر ایدلیان بر مأمورین فضله خدمت بکله مک موافق عدل و حکمت اولمه جغه کبی صنفی ایکنجی و وظیفه سی برنجی درجه ده اولان بر مأموری ده نعمت کلفت مقابلی اولمق اعتباریه فضله خدمتله مکلف قیلمق موافق نصف بولنه مامسنه و علی الخصوص بر موجب تشکیلات دائره مذکور اکان و مأمورینندن هر برلری رچوق سنه ل امانت جلیله شعبات اقلاننده بولنهرق کندولری ایچون همان همان صوک برترقی اولان برنجی صنف دواردن برینه چراغ اولندقدن صکره صنفلرنیک تزییلی یوزندن آتیا دوچار اوله جقلری تدنی حسیله استراحت و خلوص قلب ایله صرف مساعی ایلیمه جکلرینه ولهدا دائره داخلنده بولنان حریق محللرنیک انشا آخی متعاقب املاک ویرکوسندن ورسوم سائرده دن دائره وارداتنک دیگر برنجی صنف دوار وارداتندن بک فرقی اولمه جغه نظر آدائره مذکورده نك دخی کافی السابق برنجی صنفده ایفاسی بر امر ضروری بولنمشدر . تفصیلات معروضه دن مستبان بیوریه جگی وجهله ملغا صباهیه ، ایوب سلطان ، فاتح دائره لرنی احتوا ایلمکده اولان و هر صورته محتاج ترقی و عمران بولنان و اساساً بولنوم و مجبوریتنه بناء اسلاف عالیلری طرفندن دخی تنسیق و لازم کنن مأمورینی اكا كوره تعیین قلنمش اولان دائره مذکورده نك کماکان برنجی صنفده ایفاسی حالنده اساساً مأمورین اوزرنده تنسیق و تشکیلاتی موجب اولهرق بودجه ده فضله بر مصرف اختیارینی ده موجب اولمه جغه کبی مأمورینک شوق و غیرت لرنی ده کسر ایلیمه جگی وشو اعتبارله محیطی بک واسع اولان دائره مذکورده معاملات بلدیة سنک محور مطلوبده تدویرینی مستلزم اولهرق یقین بر زمانده پایتخت سلطنت سنیه مزک اک معتنا بر محیطنی احتوا ایلمکده اولان حدودی داخلنده آثار عمران مشهود اوله جگی جهته بونقاط نظرده و اسباب عدیده دن دولای منطقه مذکورده محیطی داخلنده کی منتخب اوللرنک امر انتخابده حق ثاورانه مزده اظهار وارانیه بیورمش اولدقلری امن و اعتمادک بخش ایلمش اولدینی صلاحیتنه بناء هیئت محترمه لرنیک نظر تقدیر و تصویبیه عرض و تکلیفی بروجیه عدایلر اقدم .

۳۱ کانون نانی ۱۳۳۸

فاتح دائره سنندن منتخب	فاتح دائره سنندن منتخب
مجلس عمومی ولایت و جمعیت عمومی مجلس عمومی ولایت و جمعیت عمومی	مجلس عمومی بلدیة اعضاسندن
بلدیة اعضاسندن	بلدیة اعضاسندن
حلمی	صدیق
فاتح دائره سنندن منتخب	فاتح دائره سنندن منتخب
مجلس عمومی بلدیة اعضاسندن	مجلس عمومی بلدیة اعضاسندن
ادهم	ادهم
رئیس — سوز نیقولای افندینک .	

نیقولا کی افندی - شعبات بودجه سی مذاکره ایدلیدیکی زمان هر شی اولوب بیتدی دینلرک بونک او صورتله کچیرلمسی عقله کلور . فقط مجلس هر ایسته دیکی شیئی هر ایسته دیکی زمان موضوع بحث ایدیه بیلور . مجلسک آرزوسی هر شیئک فوقنده در . بونکه برابر معاشرک تزییدی مابعدی وار

۲۰ اگستوس ۳۳۸ تاریخدن ۲۶ اگستوس ۳۳۸ تاریخه قدر استانبولده

کوریلن امراض ساویه وقوعات جدولدر

خسته لک اسمی	مصاب	وفات	ایکی مصابیلر دن وفات	ملاحظات
قولرا	۰	۰	۰	
وبا	۲	۱	۰	
لکلی حما	۶	۰	۰	شهر اهالیسی میاننده
چیچک	۱	۰	۰	
حای شبه تیفو	۵۸	۳	۰	
دیفتری	۰	۰	۰	
التهاب سعایای دماغی	۰	۰	۰	
دیزانتری	۰	۰	۰	
قزبل	۰	۰	۰	
حای نفاسی	۰	۰	۰	
حای راجعه	۰	۰	۰	
یکون	۶۷	۴	۰	
داهالکلب شبه سیله تحت تدابیده	۳۲	۰	۰	
امراض درنیه	۰	۰	۰	
قیزامق	۰	۰	۰	
غریب	۰	۰	۰	
امراض جهاز تنفسیه	۰	۰	۰	

خسته لک ظهور ایدن محللر وجوازنده تطهیرات قیه اجرا قلمشدر .

چیچک آشیسی	وبا آشیسی	تیفو آشیسی	قولرا آشیسی
۳۲۸۴	۲۱۲	۶۰۳	۶۲
مقایسه			
مصاب	۶۷	۴	
وفات	۹۰	۷	

بو هفته نك بالاده کی یکونی
کچن هفته نك یکونی

اعلانات

دیون عمومی عثمانیه اداره سندن : ۵۱۷۶

استانبولده چفته سرایلرده دیون عمومی عثمانیه اداره سنک باغچه سنه غرب جهتدن متصل (۵۴۶۸) آرشونلق عرصه ایجاز ایدله چکدر . استیجار ایچون دیون عمومی عثمانیه اداره سنک « مصرف » قلمنه مراجعت ایدلسی .

۳۱ آ

۵۳۴۴ *

پول وضعنه مخصوص (۱۰۰۰۰) عدد مقوا قوطی دیون عمومی عثمانیه اداره سنجه قابل طرف اصولیه مناقصه قوئلشدر . مذکور مالزمه ایچون وقوع بوله جق تکلیفلر ۴ ایلول ۱۳۳۸-۱۹۲۲ تاریخنه مصادف بازار ایتسی کونی اوکله وقتنه قدر قبول ایدله چک واحاله سی ایتسی کون اوکله دن سوکره ساعت اوچده اجرا قیلنه چکدر . شرطنامه یه کسب اطلاع ایتمک ایسته ین علاقه دارلرک « مصرف » قلمنه مراجعت ایتلری موجودر .

درسمات مرکز قوماندانلغدن : ۵۶۶۵

۳۳۴ سنه سنده طوبراق قلعه استانبولی یقیننده چالیدق قلمری تارلا دروننده قصداً ایقاع حریق ایلیکله مظنون طوبراق قلعه منزل نقطه سی افرادندن چاط اوغلرندن کیر قوراوغل مار قوص ایله استیان اوغل بدر وسک الیوم زرده بولند قلمری مجهول اولسته و کندیلرینه استاد اولنان جرمنک جنایت درجه سنده بولنه سنه بناه محاکمه لرنک اجراسی ضمننده مرکز قوماندانلغی برنجی افراد دیوان حریمه مراجعت ایتلری ایچون اصول محاکمات جزائی قانوننک ۳۷۱ نجی ماده سنه توفیقاً کندیلرینه اون کون دهمه لیت ویرلش اولقله مدت مذکور طرفنده مراجعت ایتدقاری حالده قانونه اطاعت ایتتمش نظر یله باقیلر ق حقوق مدینه دن اسقاط قلنه چقلمری و محاکمه غیایه لری اثاسنده اموالی جز ایدله چکی بو اثناده برکونا دهوا اقامه سنه چقلمری اولمه یجی و علیلر نده دهویه قیام اولنه جی و کندیلرینک بولند قلمری محلی هرکسک خبر و برمه کجور بولند یی اعلان اولتور .

پوسته و تلفون مدیریت عمومی سندن : ۵۷۰۳

ایوب سلطان پوسته و تلفون مرکز آینه سنک جبهه سیله داخل اقسامی صیورلرنک تعمیر وتلوی موقع مناقصه یه وضع ایدلشدر . حدلالیق بولدی قی قدر برده شهر حال رومینک اوتونجی چهارشنبه کونی حاله اولیه سنک و شهر ایلولک ایکنجی جمعه ایتسی کونی حاله قطعی سنک اجراسی مقرردر . طالب اولانلرک لوازم مدیریته مراجعتله شرطنامه سی مطالعه ایتلری و ایام حالده مباحثات قومی سوننده حاضر بولتلی اعلان اولتور .

رسومات مدیریت عمومی سندن : ۵۶۴۲

محافظه مدیریته عائد وظیفه و اپورینک تطهیر وتلوی ایله بعض محللرنک تعمیرنه عائد مناقصه مدتی ۳۰ اگستوس ۳۳۸ تاریخه مصادف چهارشنبه کونته قدر تمید ایدلش و یوم مذکورده حاله سی مقرر بولنمش اولد یقیندن طالب اولانلرک شرائطی اسکلاد قدن صکره تکلیفلری یوم مذکورده زوالی ساعت اوچه قدر رسومات لوازم مدیریته بیله برلملی .

بک اوغلی املاک امیریه مدیریتمدن : ۵۶۴۰

املاک امیریه دن قاسم باشاده عربلق محله سنده واقع ۱۰ نوسرولو عرصه نك تفرخی ضمننده طالبی طرفندن و بریلان بدل حدلالیقنده کور یله دیکندن ۲۴ اگستوس ۳۳۸ تاریخندن اعتباراً یکیدن آلتش بر کون مدته مزایده قوئلشدر . اشتراسته طالب اولنلرک بک اوغلی املاک امیریه اداره سنه مراجعتلری .

۵۶۴۱ *

املاک محلولدن قاسم باشاده جامع کبیر محله سنک درت قیومیداننده واقع قرق

درت و قرق آلتی نوسروده بر باب دکانه بکرمی سکنر حصه اعتبار یله بش حصه سنک تفرخی ایچون طالبی طرفندن و بریلان بدل حدلالیقنده کور یله دیکندن مزایده مدتی ۲۴ اگستوس ۳۳۸ تاریخندن اعتباراً بر ماه دهه تمید ایدلشدر . فضله سیله تفرعنه طالب اولنلرک بک اوغلی املاک امیریه مأمور لغنه مراجعتلری .

استانبول دفتر خاقانی اداره سندن : ۵۳۴۹

محمد شوق افندی نك استقراض ایدلیدیکی ۷۰۰ لیرا مقابلنده احمد سامی افندی عهده سنه وکالت دوریه ایله وفاه مفروغ بولنان جبالیده سفرفقوز محله سنده کوچک مصطفی پاشا زواقغنده ۲۴ عتیق ۳۶ جدید نوسرولو و شهری ۱۰۰۰ غروش ایجاره متحمل ۸۲۶٫۵۰ ذراع دن ۷۰ ذراع عرصه اوزرینه مینی ۲ اوطه ۱ صغه برقیو برطوان آراسی آرابه لقی ۱ باغچه ۱ خلا ومشتلات سائره یی حاوی اخشاب بر باب خانه تسویه دین ایدلامسندن دولای ۱۴ اگستوس ۳۳۸ تاریخنده مزایده وضع ایدلش و اوتوز کون سرورنده حاله اولیه واون بش کون صکره حاله قطعی سنک اجراسی مقرر بولنقله طالب اولانلرک قیمت تخمه سی اولان ۱۴۱۴ لیرانک یوزده اونی نسبتنده تأمینات آقچه سی مستصحباً دفتر خاقانی امانتنده استانبول دفتر خاقانی اداره سنه مراجعت ایللری .

ملک زکیه خانمک استقراض ایدلیدیکی ۳۰۰ لیرا اوراق نقدیه مقابلنده

طناش افندی عهده سنه وکالت دوریه ایله وفاه مفروغ بولنان عورت بازارنده کورکی باشی احمد شمس الدین محله سنده کوچک لانغه جاده سنند ۱۵۶ عتیق ۱۶۰ جدید نوسرولو و شهری ۷۵۰۰ غروش ایجاره متحمل ۲۵۹ ذراع عرصه دن ۹۳ ذراع عرصه اوزرینه مینی ۷ اوطه ۳ صغه ۱ اوفق صو حزینه سی ۱ مطبخ ۱ مشرق قیو ۱ بالقون ۱ غسلخانه ۱ باغچه ۳ خلا و صندوق اوطه لری اولیه یله چک دولاب و حویلی محلی ومشتلات سائره یی حاوی الی کار کبر اوستی اخشاب ونجینده ایکی باب دکانی حاوی خانه تسویه دین ایدلامسندن طولای ۲۷ اگستوس ۳۳۸ تاریخنده مزایده وضع ایدلش و اوتوز کون سرورنده حاله اولیه واون بش کون صکره حاله قطعی سنک اجراسی مقرر بولنقله طالب اولانلرک قیمت تخمه سی اولان ۵۱۸۱ لیرانک یوزده اونی نسبتنده بی آقچه سی مستصحباً دفتر خاقانی امانتنده اسکدار دفتر خاقانی اداره سنه مراجعت ایللری . ۱۲-۵

مادام آراقمی نك استقراض ایدلیدیکی ۵۲ لیرا عثمایی اوراق نقدیه مقابلنده قولونیان

آرام افندی عهده سنه وکالت دوریه ایله وفاه مفروغ بولنان صابنده صولی مناسیر عبدی چلی محله سنده کرفور قلعه زواقغنده ۴۷ عتیق ۴۵ جدید نوسرولو و شهری ۵۰۰ غروش ایجاره متحمل ۱۱۵ ذراع عرصه دن ۶۱ ذراع عرصه اوزرینه مینی ۲ اوطه ۱ صوفه طولاب شکنده بر کیلار آلت قانده بر طاشلق و طاشلنده اوجاغی موجود و خارجه قوبوسی بولونان آزالق حالده باغچه یی ۱ و خلا ومشتلات سائره یی حاوی کار کبر بر باب خانه نك تسویه دین ایدلامسندن طولای ۲۸ اگستوس ۳۳۸ تاریخنده مزایده وضع ایدلش و اوتوز کون سرورنده حاله اولیه سی واون بش کون صکره حاله قطعی سنک اجراسی مقرر بولنقله طالب اولنلرک قیمت تخمه سی اولان ۶۵۳ لیرانک یوزده اونی نسبتنده تأمینات آقچه سی مستصحباً دفتر خاقانی امانتنده استانبول دفتر خاقانی اداره سنه مراجعت ایللری . ۱۲-۵

بک اوغلی دفتر خاقانی اداره سندن : ۵۴۰۷

خدجه خانمک استقراض ایدلیدیکی ۳۰۰ لیرا اوراق نقدیه مقابلنده شکبب شیطاف افندی عهده سنه وکالت دوریه ایله وفاه مفروغ بولان بک اوغلی جوازنده ماصلاق ووقعتده ماصلاق و بیوکدره جاده لری اوزرنده ۹ ، ۱۱ ، ۱۳ ، ۱۷ ، ۱۹ ، ۳۱ ، ۳۱ ، ۳۱ ، ۲۷ ، ۲۹ نوسرولو قره حسین چفتلیکی اواضینندن بر مقدار ماء جاری ایله بیوک حوض و تماننک سنری ۱۲۰ لیرا ایجاری بولنان مع ترلا مرعا و آلتی قطعه عرصه نك ۱۲ حصه اعتبار یله بر حصه سی وایکی قطعه ده ۶۰۳ دوم ۳۳۸ ذراع ترانک ۸ سهم اعتبار یله بر حصه لری تکرار ۸ سهم ترتیبیه ۶ حصه سی تسویه دین ایدلامسندن طولای ۱۵ اگستوس ۳۳۸ تاریخنده مزایده

وضع ایدلش و اوتوز کون سرورنده حاله اولیه واون بش کون صکره حاله قطعی سنک اجراسی مقرر بولنقله طالب اولانلرک قیمت تخمه سی اولان ۴۲۵۷۱ غروش یوزده اونی نسبتنده تأمینات آقچه سی مستصحباً دفتر خاقانی امانتنده بک اوغلی دفتر خاقانی اداره سنه مراجعت ایللری .

احمد رشید بکک استقراض ایدلیدیکی ۳۹۰۰ لیرا اوراق نقدیه مقابلنده

عبدالکریم بک عهده سنه وکالت دوریه ایله وفاه مفروغ بولنان غلغده بکی جامع محله سنده ژلف عروس زواقغنده ۲۷ و ۲۷ مکرر عتیق ۲۷ جدید نوسرولو سنوی غمی ۲۰۲۰ لیرا ایجاره متحمل و بر موجب سنه ۲۰۰ ذراع عرصه اوزرینه مینی قصباً توسیع انتقالو فوقانی ایکی اوطه سی بولنان کار کبر بر باب فاظه نك ثلث حصه سی تسویه دین ایدلامسندن طولای ۱۳ اگستوس ۳۳۸ تاریخنده مزایده وضع ایدلش و اوتوز کون سرورنده حاله اولیه واون بش کون صکره حاله قطعی سنک اجراسی مقرر بولنقله طالب اولانلرک قیمت تخمه سی اولان ۹۲۲۷ لیرانک یوزده اونی نسبتنده تأمینات آقچه سی مستصحباً دفتر خاقانی امانتنده بک اوغلی دفتر خاقانی اداره سنه مراجعت ایللری .

صافناز خانمک استقراض ایدلیدیکی ۱۵۰۰ لیرا مقابلنده خیره خام عهده سنه

وکالت دوریه ایله وفاه فراغ ایدیلان قاسم پاشا جوازنده جامع کبیر محله سنده نعلبند زواقغنده ۲۲ عتیق ۱۶ جدید نوسرولو و شهری ۱۵۰۰ غروش ایجاره متحمل ۵ اوطه ۲ صغه ۱ صندوق اوطه سی ۱ مطبخ ۱ قیو ۱ طاشلق ۲ خلا ومشتلات سائره یی حاوی و ۲۴۰ ذراع دن ۱۰۷ ذراع مقداری عرصه اوزرینه مینی مع باغچه اخشاب بر باب خانه تسویه دین ایدلامسندن طولای اجرا قلنان مزایده سنده ۷۵ لیراده طالبی عهده سنده تقرر ایدره ک ۲۱ اگستوس ۳۳۸ تاریخنده حاله اولیه سی اوراقلش و ایلولک بشنجی صالی کونی حاله قطعی سنک اجراسی مقرر بولنقله و اولغه یوزده بش ضم ایله طالب اولنلرک قیمت تخمه سی اولان ۱۱۲۲ لیرانک یوزده اونی نسبتنده بی آقچه سی مستصحباً دفتر خاقانی امانت دارنده سنده بک اوغلی دفتر خاقانی اداره سنه مراجعت ایللری اعلان اولتور . ۴

اسکدار دفتر خاقانی اداره سندن ۵۴۱۱

فاطمه خانمک استقراض ایدلیدیکی ۱۵۰۰ لیرا اوراق نقدیه مقابلنده رافائل بابانی عهده سنه وکالت دوریه ایله وفاه مفروغ قاضی کوی جوازنده حسن پاشا محله سنده قورغه لی دوه زواقغنده ۱۷ عتیق و ۱۵ جدید اوطه و ۳ صغه بر مشترک قیو بر مطبخ ۲ خلا بر تر قوس و زردبان آلتی اودونلنی کمورلک اولدرق قولانلیران اخشاب بر باب خانه تسویه دین ایدلامسندن طولای اجرا قلنان مزایده سنده ۱۶۰ لیراده طالبی عهده سنده تقرر ایدره ک ۱۱ اگستوس ۳۳۸ تاریخنده حاله اولیه سی اجرا قلنمش و شهر مذکورک اوتونجی کونی حاله قطعی سنک اجراسی مقرر بولنقله و اولغه یوزده بش ضم ایله طالب اولانلرک ۲۴۷ لیرا بی آقچه سی مستصحباً دفتر خاقانی امانت دارنده سنده اسکدار دفتر خاقانی اداره سنه مراجعت ایللری اعلان اولتور .

مرشده و شوقیه خانمک استقراض ایدلیدیکی ۱۸۰۰ لیرا اوراق نقدیه

مقابلنده هدیه خام عهده سنه وکالت دوریه ایله وفاه مفروغ بولنان قاضی کوینده طوغله سی باشی محله سنده بغداد جاده سنده ۷۷ عتیق ۲۲۲ جدید نوسرولو و دوم اراضیسی بولنان وارک طاولر یله نجره لری و سوراق قیوسندن ماعدا قیولری غیر موجود و چای نك درنده اویسی کبره میدسز و کر پیچدن معمول بر آخور خرابه سیله ۳۰ قدر اشجار مشرعه یی و ۴ اوطه ۳ صغه بر حمام بری بر خلاسی اولان ناعام کار کبر بر باب خانه تسویه دین ایدلامسندن طولای ۱۵ اگستوس ۳۳۸ تاریخنده مزایده وضع ایدلش و اوتوز کون سرورنده حاله اولیه واون بش کون صکره حاله قطعی سنک اجراسی مقرر بولنقله طالب اولانلرک اوصاف ومشتلاتی حقدنه معلومات آلتی ایستیانلرک قیمت تخمه سی اولان ۲۰۳۸

ایرانك بوزده اونی نسبتنده تأمینات آچه-نی مستصحباً دفترخاقانی اماننده اسکدار دفترخاقانی اداره سنه مراجعت ایلمری .

کمال الدین بک استقراض ایله بیک ۲۰۰۰ لیرا اوراق نقدیه مقابلنده محمد ثابت بک عهده سنه وکالت دوریه ایله وفاه مفروغ بولنان اسکدارده آلتونی زاده محله سنده طوبخانه لی اوغلی باغرا باشی طوبخانه لی اوغلی جاده سی سلامسز طوبخانه لی اوغلی و طوبخانه لی اوغلی صاری قبا سواقا لرنده ۲۸ مکرر عتیق ۶۲ - ۶۸ جدید ۲۸ ، ۲۸ ، ۳۰ عتیق و ۶۸ ، ۶۸ جدید نومرولو و بش دوم اوچ اولک اراضیدن ۴۸۴ ذراع عرصه اوزوریه مینی بودروم قاتله اوچ قاتلی اولوب برنجی قات بش اوپله ایکی صفه برسالون ایکی خلا ایکنجی قات بش اوپله ایکی صفه برسالون ایکی خلا بودروم قاتی آتی اوپله ایکی طاشلق ایکی خلا ایکی کیلار برصهرخ و خارسی مطبخ طلومبه لی برقوق بوپوک حوض بر بوستان قوبوسی باغچه لر و باغچه ده مفرز بر اوپله برصانلق و متصرفی طرفندن اشغال اولمقده اولان بوپوک بنا یله بنه عینی محله ۱۵۷ ذراع عرصه اوزوریه مینی بر آخور و ۲۳۹ ذراع عرصه اوزوریه مینی برنجی قاتده بش اوپله بر خلا بودروم قاتنده برطاشلق بر قوردور جاتی قاتنده بوپوک برطاوان آراسنی مشتت کارگیر بنانک انتقال قانونک نشرندن اول محدث مع گوشک برقطعه باغک زمین واینه واشجار وکرومنک ۹۶ سهم اعتباریله ۱۴ سهمک وینه عینی اوازی داخنده ۲۲۴ ذراع عرصه اوزوریه مینی برنجی قاتده درت اوپله برصفه بر خلا بریا کون برصهرخ وطلومبه لی حاوی کوچوک مائی گوشک ایله بنه عینی محله کی سواقا ک دیگر طرفنده کاش صاری قبا سواقا غنده ۱۷۲ ذراع عرصه اوزوریه مینی برنجی قات اوچ اوپله برطاشلق بر خلا بر مطبخ ایکنجی قات درت اوپله برصفه بر خلا وبنابه متصل اوشاق اوپله -نی حاوی دیر گوشک ایله بنه عینی محله سنده ۳۳۵ ذراع علی حاوی عرصه وبعوت گوشک نخنده ۵۰ مکرر نومرولو بلاکدک ایکی باب دکانک والی نومرولو بر عدد بربر کدکندن منقلب مسدود اوچ باب دکانک ۵۶ حصه اعتباریله آتی حصه لرئ تسویه دین ایله مستندن طولانی نموز ۳۸ تاریخنده آیری آیری مزایده به وضع ایملش اوتوز کون مرورنده احاطه اولیه اون بش کون صکره احاطه قطعه سنک اجراسی مقرر بولنش اولمقده طالب اوللرک اوصاف و مشتتلاق حقنده فضله معلومات آتی ایستیانلرک قیمت تخمه لرئ اولان بیوک گوشک آخور وکارگیر بنابه ۱۱۵۱ و دیگر صاری گوشک ایله اراضیه به ۷۷۰ و صاری قبا جاده سنده کی بنابه ۳۱۶ و عرصه به عائد ۳۰ لیرالک بوزده اونی نسبتنده تأمینات آچه لرئ مستصحباً دفترخاقانی اماننده اسکدار دفترخاقانی اداره سنه مراجعت ایلمری اعلان اولور .

منیر بک استقراض ایله بیک ۱۷۰ لیرا مقابلنده خریستو ولد تیوقله عهده سنه وکالت دوریه ایله وفاه مفروغ بولنان چنک کوننده چنک کون جاده سنده ۱۵۷ ، ۱۵۹ عتیق نومرولی و شهری ۲۰۰۰ غروش ایجاره متحمل ۱ اوپله ۱۲ قورنه ایله ۲ خلوق بولنان مع باغچه و مشتتلات سائره فی حاوی و ۱۷۰۰ ذراع مقداری عرصه بولنان حمامک ربع حصه سنک تسویه دین ایله مستندن دولانی اجرا قلنان مزایده سنده ۴۳۰ لیراده طالبی عهده سنده بقر ایده رک ۲۱ اگستوس ۳۸ تاریخنده احاطه اولیه سی اجرا قلنش و ایلولک بشنجی کونی احاطه قطعه سنک اجراسی مفرو بولنش اولمقده بش ضم ایله طالب اوللرک قیمت تخمه سی اولان ۶۰۰ لیرالک بوزده اونی نسبتنده پی آچه سنی مستصحباً دفترخاقانی اماننده اسکدار دفترخاقانی اداره سنه مراجعت ایلمری اعلان اولور .

محمد عارف بک استقراض ایله بیک ۳۰۰ لیرا اوراق نقدیه مقابلنده محمد بخت بک عهده سنه وکالت دوریه ایله وفاه مفروغ بولنان اسکدار جوارنده سلیمیه محله سنده دایه قادین و حرم اسکله سی زقاغنده ۹ عتیق ۳۳ ، ۳۵ ، ۳۷ جدید نومرولو ۱۲ اوپله ۳ سالون برکیلار بر خارجی کار گیر مطبخ بر حمام بر خارجی کار گیر آخور بر اخشاب ارایه لی بر باغچه بش خلا برقوق بو اوچ صهرخ برطاشلق و لیونلق بر ترقوق بر سانس اوپله سی بر حوض بر لاق قریه به ۲۰۰ قدر واشجار مشره و غیره مشره فی حاوی ۲۷۸۵ ذراع دن ۴۷۶ ذراع مقداری عرصه اوزوریه مینی مع باغچه بر باب اخشاب خانه نک تسویه دین ایله مستندن طولانی اجرا قلنان مزایده سنده ۳۰۰ لیراده طالبی عهده سنده بقر ایلولک ۱۲ اگستوس ۳۸ تاریخنده احاطه اولیه سی اجرا قلنش

و ایلولک بدنجی پنجه بیه کونی احاطه قطعه سنک اجراسی مقرر بولنش اولمقده بوزده بش ضم ایله طالب اوللرک قیمت تخمه سی اولان ۹۰۳۸ لیرالک بوزده اونی نسبتنده پی آچه سنی مستصحباً دفترخاقانی اماننده اسکدار دفترخاقانی اداره سنه مراجعت ایلمری اعلان اولور .

زهرا سحوره و امینه جمله خانلرک استقراض ایله کلری ۵۲۵ لیرا مقابلنده طلعت بک عهده سنه وکالت دوریه ایله وفاه فرغ ایملش اولان ارن کوی جوارنده صحرای جدید محله سنده قایش طاشی جاده سنده ۳۶ مکرر ۱۵۱ جدید نومرولی ۴ اوپله ۱ صفه ۱ مطبخ ۱ قیو ۱ حمام بر آخور باغچه ۲ خلا بر طاوان اره سی و بر دوم اراضی فی حاوی مع باغچه بر باب گوشکک تسویه دین ایله مستندن طولانی اجرا قلنان مزایده سنده ۵۲۵ لیراده طالبی عهده سنده بقر ایلولک ۲۷ اگستوس ۳۸ تاریخنده احاطه اولیه سی اجرا قلنش و ایلولک اوچنجی کونی احاطه قطعه سنک اجراسی مقرر بولنش اولمقده بوزده بش ضم ایله طالب اوللرک قیمت تخمه سی اولان ۱۶۰۰ لیرالک بوزده اونی نسبتنده پی آچه سنی مستصحباً دفترخاقانی اماننده اسکدار دفترخاقانی اداره سنه مراجعت ایلمری اعلان اولور .

اطه لر طاو مأموریندن :
مادام اناسطاسیه بنت استفانوک ۲۷ کانون اول ۳۳۶ تاریخلی مداینه سنده مویچینه بریکلی افندی به مدیون بولندی ایکی بیک لیرا اوراق نقدیه و نیت معیننده تسویه ایده مستندن ناشی داین موی ایله نامنه وکالت دوریه ایله وفاه مفروغ بیوک اطه نک آیا نیقوله جاده سنده آلت قاتده ایکی مطبخ بر چاشورلق و ایکی اوپله و بر اوشاق اوپله سی و باغچه وطلومبه لی طاشلی صو منبغی واورنه قاتده واک اوست قاتده دردر و سبکز اوپله سی ، یعنی جمآ اون بر اوپله ایکی مطبخ بر چاشورلق و باغچه و صو منبغی حاوی و ایکی خانه اولرق استعمالده مساعد بر باب خانه سیله بوکا متصل ایوم بر گوشه سی بقال دکانی اتخاذ ایملش اولان آخور و دکزه منتهی باغچه سی ، بر آتی نهایتنده احاطه اولیه ، بعده اون بش کون مرورنده احاطه قطعه اجرا قلنق اوزره ۱۲ اگستوس ۳۳۸ تاریخندن اعتباراً مزایده به وضع ایملش اوللرک طالب اوللرک ، خانه نک قیمت تخمه سی اولان اوچیکک بشیوز لیرا و آخورک قیمت تخمه سی اولان بشیوز لیرالک بوزده اونی نسبتنده پی آچه سنی مستصحباً اداره سی مراجعتی اعلان اولور .

درسعادت برنجی حقوق محکمه سنندن :
عایشه شادیه خانمک متوفی عبده افندی ورثه سنندن مکرم واکرم و محمد افندی زوجیه سی و حیده خانمعلینه متصدی اولدی دعوا دن طولانی لاجل الحاکمه تنظیم قلنان دعوتیه و رقه سی موی الیه کاقمنکاهی مجهول اولسندن طولانی تبلیغ ایملیه مش و اصول محاکمه حقوقیه قانونک بکرمی التنبی ماده سی حکمه نوبقاً اعلاناً تبلیغات اجراسنه قرار ویرنش اولمقده بوم محاکمه اولرق تعیین قلنان ۲۶ ایلول ۳۸ تاریخنه مصادف صالی کونی زوالی ساعت برده مدعی علیه ک بالذات محاکمه حاضر بولنش و یا علی اصول بروکیل اعزام ایلمی لزومی و عکس بقدر برده بالطلب غیاباً محاکمه اجرا قلنجه نی اعلان و بیکیدن تنظیم اولنان دعوتیه و رقه سی اولیاده کی استدعا صورتیله برابر محکمه دیوانخانه سنه تعلیق اولور .

ککبوزه بدایت محکمه سی اجرا دائره سنندن :
ککبوزه قصه سنده مقم صاپچی محمد چارش زوجیه سی حوریه خانم ایله ایملش قریه سنندن حسنی اغا و زوجیه سی ناجیه و محمدوی محمد کرمه لرئ فاطمه و امینه خانلرک شایعاً متصرف اولوب ازاله شیوعی ضمننده فروختی محکوم به و مقرر اولان ایملش قریه سنده کاش فوقانی اوچ اوپله و بر صوفه و بر ممشا و البیوز اون ذراع بقیقه ی مشتت و درتیوز لیرا قیمت تخمه لی بر باب خانه مع بقیقه تاریخ اعلان اعتباراً قرق بش کون مدته علی العاده موقع مزایده به قولش اولدیغندن طالب اوللرک

قیمت تخمه نک بوزده اونی نسبتنده پی آچه سنی مستصحباً ککبوزه اجرا دائره سنه مراجعت ایلمری لزومی اعلان اولور .

درسعادت اجرا دائره سنندن :
ابراهیم افندی نک محمد افندی ذمتنده مطلوبی اولان مبالغ معلومه سنک تأمین استیفاسی ضمننده مجوز و فروختی مقرر صلحیه ده صاری بازید محله سنک طوانلی چشمه سواقا غنده بر طرفی علی رضا افندی زوجیه سی علیه خانک منزل و باغچه سی و بر طرفی شریف افندی منزل و باغچه سی بر طرفی شا کر افندی باغچه سی و طرف رای طریق عام ایله محدود تخمیناً ۱۷۰ ذراع اراضیدن اوتوز آتی آرشون اوزوریه مینی بقرات خراب بر اوپله بر صوفه و بر ایدسنخانن عبارت عتیق ۱۲ جدید ۱۱ نومرولو خانه نک ثلث حصه سی تاریخ اعلانن اعتباراً اوتوز کون مدته مزایده به وضع ایملش اولدیغندن طالبینک قیمت تخمه سی اولان سکسان لیرالک بوزده اونی نسبتنده پی آچه سنی مستصحباً ۳۸۸۲ دوسیه نومروسیله درسعادت اجرا دائره سنه مراجعت ایلمری اعلان اولور .

محموز و فروختی مقرر یمشده اوتوز طقوز نومرولی سرکیده موجود ۱۸۵ بوش کوفه اوچ مستعمل صندلیه و بر یازینخانه ایله سکسان عدد مستعمل سبتک شهر حال رومینک اوتوز برنجی پنجه بیه کونی ساعت اون برده یمشده توتون کرکی نام محله فروختی اجرا قلنجه نی طالب اوللرک بوزده اون پی آچه سنی مستصحباً محل مذکورده کی مأمورینه مراجعت ایلمری اعلان اولور .

قدری مک علی ذهدی بک ذمتنده کی مطلوبنک تأمین استیفاسی ضمننده مجوز و فروختی مقرر چهارشنبه ده جبهی باشی محله سنک مسجد سواقا غنده عتیق بر جدید اون اوچ نومرولو تخمیناً ایکوز قرق آرشون اراضیدن بزوان آرشون اوزوریه مینی اوچ قات اخشاب آتی اوپله ایکی صوفه ایکی آیدسنخانه بر مطبخ برقوق برطاشلق بر بودروم و بوز بکرمی بش آرشون بقیقه ی محتوی منزلک بوز سکز حصه اعتباریله الی بدی حصه سی تاریخ اعلانن اعتباراً اوتوز کون مدته مزایده به وضع ایملش اولدیغندن طالب اوللرک قیمت تخمه سی اولان بیک بوز لیرالک بوزده اون پی آچه سنی مستصحباً ۳۳۳۳ دوسیه نومروسیله درسعادت اجرا دائره سنه مراجعت ایلمری اعلان اولور .

بردین محکوم بیک تأمین استیفاسی ضمننده فروختی مقرر کرش اوانی ایله بللر حقه طاقی و برطاشی اکسیک کوبه و سائره مک ۲ ایلول ۳۳۸ جمعه ایرتسی کونی ساعت زوالی بر بقرندن اعتباراً صندال بدستاننده بالمزایده فروخت ایملش کچکندن طالب اوللرک محل مزایده ده حاضر بولملری اعلان اولور .

عادل پاشا زاده اورخان بک درسعادت برنجی حقوق محکمه سنندن معطی ۱۹ نموز ۳۸ تاریخ ۳۵۱ نومرولی اعلامیه کوچک مصطفی پاشاده منلا خسرو محله سنک آبی چشمه سواقا غنده مقیمون حسینه ، رحیمه ، حلیمه خانلرله محمد رفعت افندی ذمتلرنده آلاچی اولان مبالغت تأمین استیفاسی ضمننده موی الیه مومن نامنه مرسل اخبار نامه لر ظهورینه مذکور محله دن چیقوب محل مجهوله کیتمش اولدیقلری شرح ویریلرک اعاده ایملش اولدیغندن تاریخ اعلانن اعتباراً بر ماه طرفنده دائره اجرایه مراجعت ایملش کلامی حالده غیاباً معامله قانونیه اجرا قلنجه نی برنجی اخبار نامه تبلیغی مقامنه قائم اولق اوزره اعلان اولور .

محمد ثابت افندی دن پاره آلتقده اولان فاطمه الزهرا خانم تطبیق مهری ضایع و بیکینی حک ایتمه بر بیکندن اسکینسک حکمی اولادینی اعلان اولور .

بردینک تأمین استیفاسی ضمننده ۱۲ ایلول ۳۳۸ جمعه ایرتسی کونی ساعت اون ایکیده

متری کوننده چارشو دروننده اشیای پتیه فروخت اولنه جفندن طالب اوللرک یوم وساعت مذکورده مأمورینه مراجعت ایلمری اعلان اولور .

بک اوغلی اجرا دائره سنندن :
بردین محکوم بیک تأمین استیفاسی ضمننده مجوز اولان قنابه قولنوق و حصر صندالیه و سائره کی خانه اشیای ایلولک برنجی جمعه کونی الاقرافه ساعت اون ایکیدن اعتباراً بشکطاشده دلالر چارشو سنده موقع مزایده به وضع اولنه جفندن طالبلرک یوم وساعت مذکورده مأمورینه مراجعتی اعلان اولور .

سلطان احمد صلح محکمه سنندن :
عائشه سعیده خانمعه صدق بک صبیحه و صامعه و زهرا خانمک شایعاً متصرف اولدیقلری لاله لیده تراموای جاده سننده یعقوب آغا محله سنده عتیق ۱۱ الی ۲۳ جدید ۱۳ الی ۲۵ نومرولرله هر قم بش باب دکانی مشتت ایکی باب خانه نک ازاله شیوعی ضمننده فروختی مقرر ایتمکله مزایده به وضع ایملش ایلولک اوتوزنجی جمعه ایرتسی کونی زوالی ساعت درنده احاطه اولیه سنک اجراسی مقرر بولنش اولدیغندن طالب اوللرک قیمت تخمه سی اولان بدی بیک بش بوز لیرالک بوزده اونی نسبتنده پی آچه سنی مستصحباً سلطان احمد صلح محکمه سی اجراسنه مراجعت ایلمری اعلان اولور .

آفسرای صلح محکمه سنندن :
ازاله شیوعی ضمننده بالمزایده فروختی قرار گیر اولان بک قوزده یالی کوننده اککچی بارنده کاش عتیق و جدید ۶۸ نومرولو مع باغچه بر باب خانه نک تاریخ اعلانن بالا اعتبار قرق بش کون طرفنده یعنی ۱۲ تشرین اول ۳۸ پنجه بیه کونی احاطه اولیه سی اجرا اولنه جفندن طالب اوللرک قیمت تخمه سی اولان طقوز بوز لیرالک بوزده اونی نسبتنده پی آچه سنی حادلاً محکمه نک اجرا قسمنه مراجعتی اعلان اولور .

بک اوغلی صلح محکمه سنندن :
ازاله شیوعی ضمننده فروختی محکوم بانقالتی ایجادیه سواقا غنده ۲۸ نومرولی درت دائره فی محتوی آپارتمان ۴۳۰۰ لیرا وچن سواقا غنده بش اوپله لی کارگیر خانه ، باغچه ، قویو ، صهرخ و مشتتلات سائره سیله ۲۰۰۰ لیرا بدلر ایله طالی عهده سنده در . بوزده اوچ ضم ایله طالب اوللرک احاطه قطعه سنک اجرا قلنجه نی شهر ایلولک ۱۴ نجی پنجه بیه کونی ساعت درده قدر محکمه مزاجرا قلنجه مراجعت ایلمری اعلان اولور .

استانبول اوچنجی کاتب عدلکندن :
شهرزاده باشنده بقیقه لی اقبال قرائنخانه سنده نصف حصه سی بکا عائد اولان قهوه جیلکه عائد بالعموم اشیای و مویله فی صفتقه واحده و بیع بات صحیح شرعی ایله شریک سابقم نیازی بکه نمن صمای معلوم مقابلنده بیع و تسلیم و نمن صمای تماماً اخذ و قبض ایده رک اموال مذکورده اوزورنده بر کونا علاقه و حق ملکیم قالمش اولدیغندن کیفیتک ذیل تجارت احکامنه نوبقاً اعلان استرحام ایده رم .

اقبال قرائنخانه سنک مستاجر سابقی بکر صدق

استانبول درنجی کاتب عدلکندن :
قاضی کونیک بازار بولنده کاش ۱۱۶ نومرولی عطاریه و خردو اتیه دکانی دروننده کی بالعموم اشیای تجاریه و مویله سیله معاً زون بلان و شریکی بدروس

اعلاننامه دائره ده محفوظ نسخه اصلیه سنه مطابق اولغله برای نشر و اعلان تقویم وقایع
غزیه سنه ارسال قلندی . ۲۶ اگستوس ۱۳۳۸

افندیله قطعاً بیع و فروخت ابتدیکمدن ارتق مذکور دکانده بر حقم قلمادی
بوکیفینک تقویم وقایعه نشر و اعلانی رجا ایدرم ۲۶ اگستوس ۱۳۳۸
ماری ایرانیان

۵۷۲۱

*

تحت استیجارمده بولونان بلاطده لیلیجیلر ایچنده کاش ۳۲ نومرولو بر باب
یاغی دکانک کرک حق استیجاری و کرکسه دروننده موجود اولوب یاغیلغه
متعلق بولونان بالعموم الات و ادواتی اولبابده کی بیع سندی موجبجه بدل معلوم
و مقبوض مقابلنده مذکور دکانده مقیم یاغی یوردان یوردانیدی افندی به بیع
وفروخت ایله دیکمدن کیفیتک علی الاصول اعلانی استرحام ایلم ۲۳ اگستوس ۳۳۸
یوان خرستو نوری

اشبو بیع و فروخت اعلاننامه سی دائره ده محفوظ اصلنه مطابق بولغله بالتصدیق
برای نشر و اعلان تقویم وقایع جریده سنه ارسال اولنور ۲۴ اگستوس ۳۳۸

بك اوغلی اوچنجی کاتب عدلاکنندن :

۵۷۲۲

بز زیره واضمان الامضا مرکزی استانبولده علاءالدین علاءالدین مارپوچجیلر
جاده سنده عتیق ۴۶ جدید ۵۰ نومرولو مغازه سنده و بر شعبه سی دخی استانبولده
عمود پاشا جاده سنده ۶۷ نومرولو مغازه ده اولوب عطریات تجاریله اشتغال اتمک
و ۱ اگستوس ۳۳۸ تاریخندن بش سنه مدته « ق. میخائیلیدی » عنوانی تحتنده
و شرکادن هر ایکیمزک وضع امضایه صلاحیتی اولوق شرائطی ابله بر شرکت تجاریه
قوللکتیف نوعندن اوله رق عقد ایلمش اولدیغیزدن کیفیتک تجارت بریه قانونک
۳۲ نجی ماده سی موجبجه اعلانی باینده وساطت علیه لری مسترحدر .

۲۶ اگستوس ۱۳۳۸

استانبولده علاءالدین علاءالدین مارپوچجیلر جاده سنده عتیق ۴۶ جدید ۵۰
نومرولو مغازه سنده مقیمان آرستیدی ق. میخائیلیدی آهیلیا ق. میخائیلیدی
اوج نسخه دن عبارت اولوب بر نسخه سی دیوانخانه یه تعلق قلنان اشبو

در سعادت استیناف محکمه سندن :
۵۷۷۰
اېرم اوزوم غیریان افندیکن کورکچی دکانیه باب عالی جاده سنه مکی سیدیچی
فرونک قارشوسنده بولنان دکانک کادلرینی آلت مخصوصه ایله فیرمق صورتیه
سرقته تشبث و موئیز اسا افندیکن مغازه سندن ده اشیای تجاریه سرقه و قائم مقام
تحسین بکی دولاندیرمق ماده لرندن طولانی مظنون علیه اولوب هیئت اتهامیه چه
جنایتله اتهام اولنهرق حقیقده اخذ و گرفت امری ویرلش اولان صماتیه ولانغه ده
سپتجی سواقغده مقیم وچاقاچیلر و سنبلیلی خانه مشغول یکریمی درت یاشنده اورته
بویلی چایق قره قاشلی قره بیغلی الا کوزلی اسمر چهره لی نوبار ولد سروپه و تقسیم
جوارنده یاغالتیده بیوک دره جاده سنده ۹۲ نومرولی خانه ده مقیم و چارشوده
الماسجیلده مشغول یکریمی بر یاشنده اورته بویلی قرال تر بیغلی قره قاش والا کوزلی
اسمر چهره لی غاریس نام دیگر قره بت ولد اغوب الیوم اثبات وجود اتممش
اولدقلرندن اصول محاکمات جزائییه قانونک اوچویوزتمش برنجی ماده سی موجبجه محکمه یه
کلری ایچون اشبو تاریخندن اعتباراً جانب ریاستدن مجدد ااون کون مهل ویرلکله اشبو مدت
ظرفنده کلدکاری حالده کندولرینه قانونه اطاعت اتممش نظریله باقیله رق محاکمه لرینک
غیاباً بالرؤیه حقوق مدنیه دن اسقاط و اموالی جز اولنهنجی و بو ائنده
برکونا دعوی اقامه سنه حقلرینی اولهمیه جنی وعلیه لرنده دعوایه قیام ایدیله چکی کبی
بولندقلری محلی بیلنلرک خبرورسکه و بالجمله ضابطه عدلیه مأمورلرینک کندوسنی
در دست اتمک مجبور اولدقلرینی مبین اشبو قرارنامه اصول محاکمات جزائییه قانونک
اوچویوزتمش ایکنجی ماده سندن استنباط اولنان احکامه توفیقاً تنظیم و معامله
جزیه حقیقده تبلیغات مقتضیه اجرا و سایر معاملات ایفا اولتمق ایچون نسخ کافیه سی
مدعی عمومیلکه تودیع قلندی فی اعلان اولنور .

دستور

ترتیب ثانی

برلی مشینیه مجلد
غروش ۱۷۵
غیر مجلد
غروش ۰۰

برنجی ، ایکنجی ، اوچنجی ، دردنجی ، بشنجی ، یدنجی جلد دستورلرک بهر جلدی :
یدنجی جلدک آوروپا مشینلی مجلدی ۱۹۵ غروشده در . دستورلرک محل فروختی مطبعه عامه در .

تقویم وقایع

تقویم وقایع مدیریتی : تلفونه نومروسی — استانبول — ۲۴۷۸
مطبعه عامه مدیریتی : تلفونه نومروسی — استانبول — ۸۵۱
امور محریبه و اداره — امور تحریریه ایچون دائره جلیله صدارتده تقویم وقایع مدیرینه و امور اداره ایچون مطبعه عامه مدیرینه مراجعت اولنور .
شرائط اشترا — استانبول و ولایات ایچون پوسته اجرتیه برابر سنه لک آونه بدلی ۷۵۰ غروشدر . ممالک اجنیه ایچون پوسته اجرتی خارج اولدینی حالده
سنه لک آونه بدلی ۶۵۰ غروشدر . آونه معامله سی و بدلتک استیفاسی مطبعه عامه چه اجرا اولنور . کونی کچمش نسخه لرک فیأتی بش غروشدر .
اعوانات — افرادک منافعه متعلق اوله رق قانوناً و نظاماً یا خود علاقه دارانک طلبلرینه بناءً دواثر رسمیه و محاکم طرفندن درج ایتدیریله چک اعلاناتک هر سطرندن
اون غروش آلنیر . اعلانات خصوصیه قبول اولتماز .

مطبعه عامه